

Յուլիսի 24-ին Մայր Աթոռ եկաւ Ծնորհ. Պօղոս սարկաւազ Զուրարեանը, որ ուսանում է Ս. Պետրբուրգի Կայսերական Համալսարանի՝ իրաւաբանական բաժնում: Նա կրկին կվերադառնայ իւր ուսումը շարունակելու համար:

Ամսոյս 26-ին, ս. Սահակ և ս. Մեսրոփը թարգմանիչների տօնին Օշականի եկեղեցւում, որտեղ գտնուում է ս. Մեսրոփի շիրիմը, հանդիսաւոր պատարագ մատուցուեց: Օշական էին գնացել Գեր. Ղևոնդ և Յուսիկ եպիսկոպոսները, բարձր. Յուսիկ և Մամբրէ վարդապետները և Ծնորհ. սարկաւազները: Պատարագիչն էր Բարեշ. Մեսրոփ արեղան. երգում էին ձեմարանի աշակերտները: Պատարագից յետոյ հոգեհանգիստ կատարուեցաւ զանազան կողմերից ուխտաւոր ժողովրդի ներկայութեան ս. Մեսրոփի յիշատակին:

ՃԵՄԱՐԱՆ Մ. ԱԹՈՌՈՅ

ձեմարանում քննութիւնները սկսուեցան ապրիլի 14-ին և վերջացան մայիսի 31-ին: Զ-րդ դասարանում և Գ-րդ լսարանում կատարուեցան բոլոր առարկաներից հրապարակական քննութիւններ: Իսկ ա. և բ. լսարաններում և դպրոցական միւս դասարաններում միայն աւարտած առարկաներից ուլիզուներից, այլ և այն առարկաներից, որոնցից մանկավարժական ժողովն անհրաժեշտ համարեց քննութիւն անել:

Դպրոցական բաժինն աւարտեցին 19 հոգի, որոնցից 14-ը կշարունակեն իրենց ուսումը մասնագիտական բաժնում: Իսկ մասնագիտական բաժինն աւարտեցին 13 հոգի, նախապէս ներկայացնելով իրենց աւարտական շարադրութիւնները: Դոքա են՝

1. Աղաձևան Յարութիւն Թովտեցի (Նոր-Նախիջևանի շրջակայքից) — Հայոց յարաբերութիւնը լատինաց հետ:
2. Ահարոնեան Անտոն Կաղզուանցի — Հայոց յարաբերութիւնը Յունաց հետ:
3. Ահարոնեան Հմայեակ Շուշեցի — Սփի կաթուղիկոսութեան պատմութիւնը:
4. Բալդոշեան Վարդան Վանեցի — Թովմա Մեծովեցու զբարոյր:
5. Խանպատեան Աղէքսանդր Խլի-Ղարաբլիխեցի — Հայոց եկեղեցին XI-րդ դարում:
6. Հայրապետեան Աւագ Բայրախտարցի — Գրիգոր Վկայասէր և հակաթոռ կաթուղիկոսներ:
7. Մանուկեան Սարգիս Քղեցի — Ունիթոսները Հայաստանում:
8. Մելքոնեան Մկրտիչ Վանեցի — Եսայի Նչեցու զպրոցը:
9. Սրբանձտեան Հրանտ Կարնեցի — Անանիա Մոկացի և իւր ժամանակը:
10. Տ. Գրիգորեան Գալուստ Վանեցի — XVIII-րդ դարու Էջմիածնի պատմութիւնը:
11. Տ. Յակովբեան Յակովբ Աղացի — Աթոռի փոխադրութիւնը ի ս. Էջմիածին:
12. Տ. Յակովբեան Սենեքերիմ Գիւմրեշխանեցի — XVI դարու Էջմիածնի պատմութիւնը:
13. Քաջբերունի Ռուբէն Բաղիշեցի — Կ. Պոլսի պատրիարքութեան պատմութիւնը:

Յունիսի 7 ին աւարտող սաների խնդրանքը Վեհափառ Հայրապետի Մ. Աթոռի միաբանութեան, ձեմարանի ուսուցչական խմբի և Ժողովրդի խուռն բաղմութեան ներկայութեան հոգեհանգիստ կատարուեցաւ ձեմարանի մեծ հիմնադրի շիրմի վրայ և աւարտողներէց Սրբանձտեան Հրանտի ղեկմաց իւր ընկերների կարգաց վերջին հրաժեշտի ծառը: Հոգեհանգստեան կարգից յետոյ աւարտողները ձեմարանի Տեսչի օգնական՝ Տ. Յուսիկ վարդապետի առաջնորդութեամբ տարուեցան Վեհարան, Նորին Սրբութեան Վեհափառ Հայ-

բապեաի օրհնութիւնը սաանալու: Յերունազարդ Հայրապետը իւր հայրական օրհնութիւնը բաշխելուց և իմաստալից խրատները խօսելուց յետոյ, իւր ձեռքով աւարտական մրցանակները բաժանեց:

ՎԱՆՔԻ ԱՅՅԵԼՈՒՆԵՐ

Երկաթուղին Երևանեան նահանգը միացրել է և մօտեցրել Ռուսաստանին և եւրոպական կենդրոններին: Հայկական բարձրաւանդակը այցելող, Էջմիածինը, Արարատ պատմական սրբազան լեռը տեսնել ցանկացողները ընդմիշտ ազատուել են փոստի, զանազան հանրակառքերի պատճառած դժուարութիւններից, գիշերները անմաքուր փոստային կայարաններում քնելու պատժից, այժմ այցելուն գիշերը Թիֆլիզում նստում է վագոն և մեծ հանգըստութեամբ, ծախսելով մօտաւորապէս այնքան, որքան առաջ միայն կառապաններին էր նուէր տրւում, կէս օրին կամ երեկոյեան հասնում Էջմիածին, Երևան, աւելի շուտ Աղէքսանդրապոլ և Կարս: Ճանապարհի գիւրութիւնը, ինչպէս արդէն սպասւում էր, սկսել է ճանապարհորդների մեծ հոսանք բերել մեզ մօտ և օր չի անցնում որ վանքը նորանոր այցելուներ և ուխտաւորներ չունենայ: Այդպիսի յաճախ կրկնուող այցելութիւնները ունենալու են իրենց մեծ օգուտները-ծանօթանալ միմեանց և ճանաչել իրերի դրութիւնը և այդ պէտք է որ առաջ բերի աւելի ուղիղ հայեացք՝ մեր երկրի և յատկապէս Էջմիածնի վանքի վերաբերմամբ:

Բացառապէս հաղորդակցութեան գիւրութեան շնորհիւն էր, որ ոչ թէ գործով, այլ յատուկ այցելութեան նպատակաւ Յունիս և Յուլիս ամիսներում մեզ մօտ հիւր եկան՝ Պր. Ն. Մառը իւր ընտանիքով, Պր. Գ. Խալաթեանը, Պ. Լէօն և Պր. Մեյէն: Պր. Մառը, ինչպէս գրեւէ ենք իւր ժամանակին, ամառս պիտի անցկացնի Կովկա-